

Ársskýrsla Seyruverkefnisins 2023.



Haldóra Hjörleifsdóttir
Þjónustufulltrúi Seyruverkefnisins

Verkefni ársins 2023

Um áramót breyttist starfsstöð þjónustufulltrúa þegar tekin var í gagnið skrifstofa í áhaldahúsi Hrunamannahrepps fyrir þjónustufulltrúann. Með því var starf þjónustufulltrúans meira tengt við Seyrustaði og móttöku og þrif þar en þjónustufulltrúinn sinnti því verkefni að mestu leiti á árinu. Bílstjórar sinntu einnig móttöku og þrifum á Seyrustöðum.

Mikil vinna hjá þjónustufulltrúa fór í að yfirfara skráningarkerfið, tengja rétt fasteignanúmer við rotþróarnúmer og skrá símanúmer eigenda við hverja rotþró. Búið er að vinna það að mestu aðeins eitt sveitarfélag sem ekki er búið, nú er því hægt að senda út sms með upplýsingum á öll skráð símanúmer í gegnum skráningarkerfið. Það kerfi heitir Skjóða og er í gegnum Loftmyndir.

Það þarf að huga vel að því að þær upplýsingar sem liggja bak við rotþróarnúmer þurfa að vera lifandi þar sem töluverð eigendaskipti eru á svæðinu.

Að öðru leiti fólst starf í grófum dráttum í að svara erindum frá rotþróareigendum, koma upplýsingum frá verkefninu á framfæri, skrásetja rotþrær, skoða



Kynning á verkefninu í Flúðaskóla.

aðstæður í tengslum við rotþrær, vinna gögn til uppgjors og reikningsgerðar, vinna kynningarefni, taka á móti hópum sem fengu kynningu á verkefninu, fara í skóla og kynna verkefnið, vinna að bættum aðgengismálum, samskipti við aðildarsveitarfélögin og samskipti við verktaka sem tengjast starfseminni og skipuleggja þeirra vinnu.

Heimsóknir hópa á Seyrustaði hafa verið nokkrar yfir árið. Mikill áhugi er að kynna sér verkefnið. Og hafa þeir hópar sem komið hafa í heimsókn haft farið mun fróðari heim.



Skólahópur úr Bláskógarskóla að kynna sér verkefnið.



Bláskógabyggð og Grímsnes-og Grafningshreppur hafa hafið vinnu að átaksverkefni í fráveitumálum við Þingvallavatn. Fundað var um það verkefni og kom þjónustufulltrúi að því verkefni.

Starfsmenn fóru, ásamt starfsmönnum áhaldahúsa í uppsveitunum, í veituferð í Borgarfjörðin og kynntu sér starfsemi veitna á því svæði. Ferðin var mjög góð og fróðleg.

Það var blautt vor og jarðvegur ansi mjúkur því var ekki hægt að hefja hreinsun á rotþróm að nokkru ráði fyrr en í lok maí. Haustið var gott og því var hægt að hreinsa til loka nóvember.

Hreinsitækni byrjaði aðeins um vorið en kom svo ekki aftur að hreinsa fyrr en liðið var á ágúst. Nauðsynlegt er að hafa einhver tímamörk í samningum við verktaka þannig að það sé tryggt að hreinsun geti átt sér stað. Það er ekki tryggt að það hausti vel og hægt sé að hreinsa fram að jólum.

Samið var við nýjan verktaka, Verkval á Akureyri og komu þeir og hreinsuðu 400 þrær. Það gerði það að verkum að tókst að hreinsa þær þrær sem fyrir lágu þetta árið. Þeir byrjuðuð 22.ágúst. Farið var í 2194 þrær í sumar þurfti að fara oftari en einu sinni í sumar .



Oft er erfitt að finna stúta á þróm vegna gróðurs.


Helgast það af því að í sumum tilfellum þurfti að fara aftur í þró þar sem ekki var hægt að komast að, ekki aðgengi fyrir stóran bíl sökum gróðurs, slæmir mjóir vegir, of lítil hliðaop, læst hlið, of litlir stútar ofl.



Hér má sjá samantekt á fjölda þróa sem farið var í á árinu.


	Hreinsaðar	Óhreinsaðar	Aukahreinsun	Samtals þrær
Okkar bill	769	71	27	867
Hreinsitækni	653	59	182	894
Verkval	391	42	0	433
Samtals þrær	1813	172	209	2194

Tölur yfir stöðu rotþróa á hreinsunarsvæði sem farið var yfir 2023




Samtals komu 1.174.269 kg af efni í gegnum Seyrustaði árið 2023.

Hér má sjá kg skiptingu milli sveitarfélaga í magni seyru



Hér má sjá magntölur síðustu ára



Starfsmannamál.

Starfsmenn við verkefnið eru þrír á meðan á hreinsun stendur en yfir vetrarmánuðina þegar ekki eru hreinsaðar þrær færast bílstjórnir inni starfsmannahóp áhaldahúss Hrunamannahrepps.

Starfsmenn hjá verkefninu þetta árið voru eftirtaldir:

Atli Geir Scheving í 100 % starfi á seyrubíl

Sveinn Jökull Sveinsson í 100% starfi frá 1.júní til 15.ágúst

Þórarinn Guðni Helgason 100% frá miðjum ágúst og til loka hreinsunar og var einnig í afleysingum í sumar.

Ingibjörn Öxndal hefur verið í veikindaleyfi frá byrjun febrúar.

Halldóra Hjörleifsdóttir 100% sem þjónustufulltrúi.



Áslaug Alda Þórarinsdóttir þjónustufulltrúi sagði upp störfum og kom því ekki til baka úr fæðingarorlofi.

Sumarstarfsmaður í áhaldahúsi Hrunamannahrepps fékkst til afleysinga á seyrubílinn og eitthvað í móttöku og þrif á Seyrustöðum.



Afrétturinn -Landgræðslusvæði.

Farið var í vinnu með Landgræðslunni að skipuleggja betur dreifingarsvæði.

Byrjað var á nýju svæði sem er innar á afréttinum.

Huga þarf að því að lagfæra girðinguna og stækka hana til að fá meira dreifingarsvæði sem er gott yfirferðar.

Farið var í að dreifa þynnra lagi af seyru og ekki var dreift fræi með í sumar til að skoða hvernig það muni koma út.



Kynningarefni.

Verkefnið á heimasíðuna www.seyra.is. Þar inni eru upplýsingar sem tengjast verkefninu og margs konar kynningarefni. Heimasíðan var endurbætt á árinu og var það Fjallaspuni ehf sem sá um þá vinnu.

Nýtt lógó var hannað og tekið í notkun. Anna Dagbjört Styrmsdóttir sá um þá hönnun.



Seyra.is



Verkefnið heldur úti fésbókarsíðu, hún er nýtt til að koma upplýsingum á fljótlegan hátt til fólks. Það hefur reynst vel að nýta fésbókarsíðuna og greinilegt að einhverjir eru að fylgjast með upplýsingum sem koma fram þar. Gott er að geta deilt efni inn á síður aðildarsveitarfélaganna og íbúahópa þeirra á fésbókinni. Flúðaskóli fékk styrk til að vinna verkefni er snýr að sjálfbærni, áburði, uppgræðslu og vatnsnotkun og vatnsnýtingu. Verkefnið er unnið í samvinnu við danskan skóla. Seyruverkefnið kemur einnig að þeirri samvinnu. Ein afurð verkefnisins eru upplýsingar og kynningarefni sem sett verða á nokkur tungumál. Þær upplýsingar verða settar á heimasíðuna okkar.

Verkefnið fékk töluverða umfjöllun í fjölmiðlum á árinu.



Lokaorð.

Það hefur mikil áhrif á verkefnið hvernig veðurfarið er vor og haust. Þetta árið var seint hægt að byrja þar sem jarðvegur var mjög blautur og hélt ekki hreinsbílum við fengum hins vegar gott haust og hægt var að hreinsa fram í nóvember. Það er alveg ljóst að það verða að vera tveir meiraprófsbílstjórar á hreinsibílnum okkar til að hægt sé að láta bílinn ganga alla dag. Einnig þarf að vera aukamaður sem hægt er að húa í á bílinn og sinna Seyrustöðum.

Nú liggja fyrir breytingar tengdar verkefninu. Þær breytingar verða vonandi til að verkefnið haldi áfram að vaxa og dafna.

Höldum áfram að vera framsækin og stíga skref í átt til framtíðar með þróun á þessu mikilvæga samvinnu verkefninu okkar.

